

度

支

奏

議

度支奏議目錄

廣西司三卷

題各省直絹布解驗久不如式疏

覆南京戶部條議查盤銀庫疏

覆廣西撫按條議各廠稅銀疏

題責令阜財切宋二承辦錢糧疏

覆查明應減內供鋪墊疏

遵旨查明庫商疏

覆巡青科院增減商役疏

覆千戶喬木春奏辦商役疏

覆順撫京商破例外倉疏

題倉商擾民請寬限具奏疏

題改倉商爲官買疏

度支奏議卷之三

太子太保戶部尚書淄青畢自嚴視草

叅看驗絹主事李廸疏

題爲遵

旨回話事廣西清吏司案呈崇禎三年十月初六日  
奉本部送戶科抄出本部山西清吏司主事李  
廸奏前事等因本年本月初五日奉

聖旨據奏驗絹既不合式何故又收多疋事發奉旨  
方行退出李廸有無私弊即著該部叅看來說以

後旨俱全抄不許量摘字句欽此本年本月十四日又奉本部送戶科抄出巡視庫藏監局戶科等衙門給事中等官裴君賜等題爲直糾無骨部臣奉職無狀回話不實懇乞

聖斷屢分以肅職掌事本年本月十三日奉

聖旨李迪驗絹徇私仍復飾詞諉卸已有旨該部叅看這所奏著一并查議唐長班着法司提了研審來說該衙門知道欽此欽遵通抄到部送司案呈到部該臣等看得錢糧最重

內供簡點當周居官不論始終奉職宜謹今臣部主事李廸既膺驗糧之差應存憐共之念矧

內供急需黃絹非等閑之物科院在列苦窳豈易售之資據稱桐廬縣解戶羅董邵管解七年分承運庫黃絹八千五百一十四疋本官比對甚多不合此時即宜盡行退出猶云簡擇差勝者六千九十疋堆寄承運外庫此何以說也豈意在姑息乎抑故爲曲徇乎且退出輕假不堪二千六十四疋一丈二尺據科臣疏稱係掌庫楊

文選所退而迪竟冒認爲自退將誰欺乎至科道所叅唐長班索解官趙崇志等七十餘金且有瓜分之語果爾是線索在手長班爲入幕之賓高下生心孔方爲排闥之地若約束不明是無法也或染指有據是不廉也此一臣者擔當不力職業漸隳驗絹狗人已媿鑑衡之精當縱役生事幾類猫鼠之同眠但其服官尚淺物議初騰所當照例降級調用以示懲創以全器使者也相應覆

請恭候

命下臣部遵奉移咨吏部議處施行

崇禎三年十月十八日具

題本月二十三日到奉

聖旨李迥濫收絹疋一任保經奸解通同賄徇且縱  
役需索情弊顯然乃復委責庫官回奏遮飾好生  
可惡著先革了職待唐長班研審奏明定奪該部  
叅看含糊殊非奉公率屬之義該衙門知道欽此



覆巡青科道查叅虛冒草束疏

題爲循職查叅虛冒草束仰祈

明旨責成監督以懲怠玩以清積弊事廣西清吏司  
案呈崇禎三年九月二十八日奉本部送戶科  
抄出督理巡青兵科等衙門給事中等官臣申  
爲憲等題稱京五場監督主事張杲程世培承  
管崇禎二年分草束買辦完足出給通關前來  
親赴各場細加繩尺設爲尖平長濶以量度之  
實與冊報之數多寡相懸殊覺可訝不思

皇上既立監督以司驗收謂宜精詳數目的確斤種  
柰何委聽倉官吏役以虛數填冊及抽驗責負  
復支吾混報至謂包收包放干係全在商人不  
知居恒出納通同作數沿弊已久問誰含糊  
冒恐兩監督縱未嘗猶鳳同職亦何解蹊蹙自  
玩所當分別罰治仍請

嚴旨申飭責令各商照各欠草數作速增補計明  
坊少草四萬九千五百八十四束臺基厰少草  
三萬三百八十束北新場少草九千二百束安

仁坊少草一千三百三十三束西城坊少草二萬二百五十八束等因奉

聖旨京場草束關係軍儲據奏短少浥爛等弊明屬奸商猾胥通同混冒監督司官所職何事張杲等著堂上官叅看來說各商所欠草數著勒限追補完日奏奪該部知道欽此欽遵抄出到部送司隨即呈堂劄行監督司官勒令商人限五日內補完仍請科道驗收去後續據監督王事張杲揭稱職蒙本部題管明智臺基北新三場適逢虞

患晝夜奔馳運送援兵草束復又設法裁省  
價計錢一百一十八萬有奇但接管二年新草  
因虜變近畿各商遠方採買始于五月方定不  
意寒值驟雨遍受浸漬呈堂審晒又慮天雨勻  
絜苦結如每進草始令每個三斤以一千一推  
見數秤斤始歸大絜如初絜時浮而且高時久  
必堅而實非可以尖平長濶爲量也三場惟雨  
損折草束俱經各商買補何敢徇鼠聽官損以  
虛數填冊亦不敢沽恤商之名而爲若輩掩飾

以自貶欺妄之罪又據監督主事程世培揭稱  
本部趨管安仁西城二場正逢虜犯憊力趨事  
買交援兵草束復又節省腳價一千九百餘兩  
亟督諸商買辦始于四月終方完二年分草數  
照例分作千數小堆詎意霜雨連綿未免溼  
呈堂晒晾分作小槩以候稽查昨科道驗草見  
堆槩已成遂用繩索圍量以丈尺計筭輒謂數  
少夫時有久近繩有寬緊手有高下此法未必  
盡確職思雨濕晒晾狼籍隨責各商買補見今

草數已足價銀未領于錢糧毫無冒破等因到部蒙批廣西司查議入疏隨據監督王事張昊呈稱明智場原叅少草四萬九千五百八十四束內除先補在場草九圓堆共草二萬七千七百五十束今買補草二萬一千八百三十四束臺基廠原叅少草三萬三百八十束內除先補在場草一萬五千束今買補草一萬五千三百八十束北新場原叅少草九千二百束內除先補在場一小堆計草三千一百束今買補草六

千一百束監督程世培報稱安仁坊原叅少草  
一千三百三十三束先經補足西城坊原叅少  
草二萬二百五十八束內除先補在場草一萬  
六千二百束今買補草四千五十八束各報完  
到部送司即行移文巡青科道請查驗去後續  
准科道回稱短少草束既各場照數補足似宜  
另槩以聽查驗仍候三年草束通完之日總爲  
查覈貴部先行裁覆不必候本科道覆驗等因  
到司呈堂蒙批即委司務鄧承簡同郎中朱萬

年查驗回報奉此遵即會同鄧司務于十二年  
日前赴京五場查驗查得科道題叅短少草束  
俱已增補完足相應題覆案呈到部該臣等看  
得五場上納草束每束重十五斤分爲五個每  
個三斤每千個堆爲一垛抽驗秤明斤數俱足  
而後歸併大垛給發價值此從來一定之

功令也今年原照舊例千數小堆聽候查驗祇因  
巡青科院更代不常驗收久稽嗣五月內霪雨  
大作只得晒收權立中垛每垛二萬以候稽驗



昨巡視二臣於九月間始得下場親驗又見推  
梁已成勢難動拆遂用繩尺圍量設爲尖平長  
濶計數銷笑查得監督王事張杲所管明智臺  
基北新三場程世培所管安仁西城二場俱有  
短少草束不等夫

功令之森列確有成規而巡視之稽察洞若觀火  
今草數未足而據稱完收則監督二官溺職之  
罪臣等何能爲二官諱但據二官呈稱

京師草商苦累萬狀一經僉報如赴湯火只得比

勸並行始能完足二年分草數惟是援兵騷擾  
運輸過求無敢抗拒此中未免多取蕪因霪雨  
連綿滲濕之餘不無朽腐幾番晒收未免狼藉  
此各草短少之跡似亦非飾說也茲奉

旨下部臣即隨行該場責令各商于本月數日內照  
數賠補已足據呈細勘以天時之不偶致人事  
之叢挫情或可原然賠補雖完覈察不蚤以疎  
虞之罪責二官即二官亦何能自解也先是臣  
部因草價浮濫其二年草束既照天啓五年額

值具題裁減外又裁去續增正價每束三釐又  
入場未上梁即運發援兵者每束半減腳價四  
釐六毫又在外買給援兵原未入場者每束全  
減腳價九釐二毫通共五場減銀五千五十三  
兩當驗收時尚有應領未給銀三萬二千五百  
六十餘兩嗣是季終纔給銀二萬一千六百餘  
兩尚未找發銀一萬八百五十餘兩是先買辦  
而後給價非先領價而致悞草束者也况監督  
二官自有屬做以來晝則併力督運夜則巡守

冷暑食風吸雪勞瘁異常於錢糧原無冒破於  
官箴似未大戾合無如巡視二臣分別罰治之  
議監督張杲補數頗多但曾解撥兵草束設法  
裁省腳價錢一百一十八萬有奇勞亦可述合  
議罰俸一年程世培欠數稍少隨即補完且曾  
設法買交援兵草束節省腳價幾二千金功過  
似可相準量罰俸六個月懲其前愆以責後効  
此實

皇上浩蕩之恩使過之仁非二官所敢希冀亦非

等所敢代爲陳乞也嗣後三年草束務要恪遵  
成憲按堆抽驗按個秤斤每千個爲一堆聽候  
查驗然後攢成大槩仍勒令十一月內通完以  
免雨濕更新

天語嚴加申飭以便責成至於官攢開報不明似當  
懲治但收放錢糧惟聽監督約束原無通同情  
獎及各商辦草向係自備資本買完領價况經  
屢減其值其應領者尚未完給兼又責辦三年  
分草束催比甚急今短少草束既已賠完始念

各商困苦所當一併免加究治者也既經科道  
具題前來相應覆

請恭候

命下將監督主事張杲程世培分別罰治儆官常而  
清積弊庶法紀倍肅而錢糧愈明矣

崇禎三年十月十九日具

題本月二十四日奉

聖旨這二年分五場草束短少既經補完如何科道  
官不即履驗還着速驗具奏監督司官本管重處

念曾屬警拮据張杲姑罰俸一年程世培姑罰俸  
半年俱着戴罪償催三年草束是否堆驗如法有  
無依限全完另行奏奪官攢開報徇私商人辦買  
虧額各加懲儆其未完商價即速找給勿令借口  
滋弊遲延該衙門知道欽此

題各省直初布解驗久不如式疏

題爲錢糧關係

內供沿習久不如式懇乞恭請

明旨以便驗收事廣西清吏司案呈據本部管理驗糧廳雲南清吏司主事馮世熙呈前事內稱驗糧廳錢糧皆係各省直方貢職廳驗入

西安門然後同內臣科道公同會收此舊例也近來人情日澆外解漸失其初如銅錫類科等物合式猶多卽不然猶易駁回換補惟解到生絹



殊多鬆稀不堪前桐廬縣解戶羅董邵建德縣  
解戶陳元聖等其前車也雖或經全退或經簡  
退而驗糧者已執其咎矣職受事以來夙夜冰  
兢見各解之沿弊踵陋者正復不少適見戶科  
抄出本部題有絹疋匱乏至極等事一疏崇禎  
三年十一月二十二日奉

聖旨這省直絹疋積逋不解解役濫惡總因有司官  
任意侵延輕徇營委蠹弊不剔拖欠日滋好生可  
惡卽着各撫按查明經管官員完欠細數于明年

二月內具奏一面選擇上好絹疋依限四月內解部違者該部科叅來照例罰治今後起解必用合式好絹不得以紕劣充數徒煩駁查卽以完欠據否分別考成并着各省直監兌司官稽查督促通歸撫按奏解其解官選委府佐絹疋書印職名俱依議州縣開局自織是否長便還着各撫按酌妥奏來折色召買照舊行該衙門知道欽此欽遵煌煌天語釐飭一新將見地方有司靡不悚然震疊于下有不如式織解仍敢沿習夙弊以仰負

聖明維新之化非人情矣第各省直地方遼遠雖藉  
旨申飭而如式解到或尚需之半載以後目前之照  
常解絹者不啻鱗集以至省直之所解到棉布  
荒絲亦多不能合式倘槩爲驗入而職廳之罪  
何辭若槩爲駁回而各解往返改換必致稽遲  
歲月萬一

內供匱乏一旦不敷恐又有因而咎職者矣合無  
再請

明旨欽定或將解到絹布等不合式者一槩駁回

其另換或以

內供急需改解艱遠准令職廳第驗數目暫入  
庫公同內臣科道簡查其次等堪用者收之其  
去式太遠者駁之迨串載之後必期合式可否  
取自

聖裁庶職廳有所遵守而各解亦曉然于

功令矣乞准代題以便奉行等因到部該臣等看  
得普天莫非王土率土莫非王臣以故各貢其  
土之所產以供

上方之用違式有禁夫固無容藝越也惟是人情且  
僞奸弊日生織者解者胥欲假濫惡之物以圖  
潤索而矣生

舊制不復存矣在各地方率以爲弊習相沿已久不  
復別講釐剔曾不思

聖明在上百度維新其誰敢怙舊習而干

功令耶雖新經藉

旨申飭外解料庫改觀然道途險遠似未能責效且  
夕則目前之照常解到者亦宜蚤計處置宜驗

糧司屬馮世熙諄切言之也論興革之新政則一切駁回允爲撙飭之猷計

內供之急需則一旦缺乏亦切中頻之慮懇乞

聖明俯賜睿斷或將目前照常解到絹布等項不如式者槩駁另換惟我

皇上之命倘念

內用不敷外解艱遠或准令驗糧廳點數寄庫會同內臣科道公簡其次等堪用者量爲收進其違式濫惡之物不妨公駁以示剔弊之意此則

皇上浩蕩之鴻恩非臣部之所敢擅專也仰祈

聖明裁定

勅下臣部轉頒驗糧廳遵奉施行

崇禎三年十二月初七日具題本月十一日奉

聖旨近來絹布濫惡不堪重價盡充姦索法應查究  
何得以往返艱遠爲辭妄議寬假况前有旨責令  
四月內選解依限嚴催自可應用這解到不如式  
的着盡數駁回不許輕徇濫收致干譴責該衙門  
知道欽此

覆南京戶部條議查盤銀庫疏

題爲無會計則錢糧必不清無簿籍則會計必不當乞

勅緊要置簿新舊相傳永遠遵行以盡洗害已去籍  
之積習事廣西清吏司案呈奉本部送戶科抄  
出南京戶部右侍郎兼南京都察院右僉都御  
史呂維祺等題前事等因崇禎四年三月初八  
日奉

旨該部不消皆繇吏書姦貪獎賞百出這置籍稽



查知道了着清覈永傳毋致消失銀庫三年一盤  
果否舊例今又歷三年那得清楚總是南都官職  
弛玩任事者少剔蠹裕儲法宜更始戶部卽酌議  
覆行欽此欽遵抄出到部送司案呈到部該臣等  
看得前項置簿一節奉有

明旨着令永遠遵行無容別議外查得南京銀庫查  
盤向係三年一次該南京戶部題

請差科道官二員會同本部堂官逐一清查完日

冊

奏繳訂冊送部查考通行在卷此舊例也及查南  
部前所

奏繳者則自天啓三年十月起至天啓六年九月  
止三年內錢糧也自天啓七年以後尚未查盤  
是又歷過三年矣夫庫藏錢糧所關甚鉅必須  
時常稽覈務要逐款清楚及至三年之期該部  
卽題科道會同磨勘清查盤驗倍宜兢兢著蔡  
奉之不可違也迺今查盤

奏繳竟爾愆期雖因部堂之陞遷不一司庫之更

換無常第千錢糧重務殊覺視爲等閑因循延  
緩稽遲時日則錢糧何繇以清而姦弊奚從以  
剔乎是當題

請申飭嚴加振刷者也除天啓六年以前已經查盤  
外其天啓七年起至崇禎二年止未經查覈年  
分着令南部題

請科道會同本部堂官作速逐一查盤

奏繳庶以今日之刻期補前時之延緩耳嗣後查  
盤之期悉遵三年舊例毋得仍前因循遲玩輕

管官亦須預先料理互相策勵庶帑藏清而  
奏繳速官常振而公務襄矣既經南部題

請前來相應覆

請恭候

命下臣部移咨南京戶部欽遵施行

崇禎四年三月二十二日具

題本月二十六日奉

聖旨錢糧清楚全在隨時稽覈南京銀庫三年一盤  
爲期已寬何得復致延壓今後務遵例舉行其自

天啓七年起未經查覈的卽着該部題請科道會同查明速行奏繳至司庫更換無常尤滋弊竇以後差期未滿不許陞遷該衙門知道欽此

覆王禮科清查十庫錢糧疏

題爲十庫積弊漸清積習未破謹循職酌議稍補  
國用萬一事廣西清吏司案呈崇禎四年四月十  
四日奉本部送戶科抄出巡視庫藏禮科給事  
中王猷題前事等因本月十二日奉

聖旨十庫錢糧係內供急需向來積弊相沿解辦侵  
玩總繇綜稽無法這奏於釐剔有裨着該部再行  
詳酌逐款議覆欽此欽遵抄出到部送司查得柴  
炭錢糧係工部職掌隨經呈堂移咨鹽工部自

行酌奏外其十庫錢糧歷年拖欠數多亟宜釐剔相應逐款議覆案呈到部該臣等看得錢糧完欠非綜稽則不明而綜稽無法即日事懲恐終無裨於完欠之數也今照十庫錢糧係

內供額需而玩延拖欠亦且八年于茲矣科臣王猷以查核之深心晰積習之肯綮酌議規程條畫入

告予以振積玩而裕

國儲實嘉賴之業奉

臣部詳酌議覆矣除柴炭硝黃事隸工部已  
經移咨聽該部自行酌奏外其十庫錢糧如查  
叅之限期宜酌也夫以八年之逋而取儻旦夕  
恐旦夕委未易完前奉

明旨寬限一年已預爲該地方曲體之矣科臣推廣  
聖慈分爲兩限尤所以酌緩急而協時宜也應如科  
臣議崇禎元二年限七月截叅崇禎三年係現  
徵錢糧酌改年終截叅天啓年間姑限來年三  
月彙叅以信寬限一年之



皆俱聽巡視科道持三尺以從事就中有冊報起解  
稽遲逾年者該經管官即行分別任俸降俸降  
級督催則情法兩得之矣又如駁回之罰治宜  
酌也夫物料濫惡不堪有目者所共見之凡係  
驗糧廳駁回必皆地方官苟且起解者也即使  
解員自辦該經管官已不免通同寬縱之弊倘  
州縣分解而司府類委或官自造辦而僉差雇  
役其貽累無寧不可勝窮也應如科臣議今後  
凡有駁回物料該廳開報臣部即將各經管官

題叅任俸停陞勒限解完方准開復至起解批  
文仍令粘單明註某衙門某官驗訖用印鈐蓋  
以便查叅各經管官司即不以

國用攬情斷未有不以查叅經心者裕

上供而甦解役在此舉矣又如掛欠之稽核宜酌也  
蓋各項本色分隸省直有欠在地方者各有司  
之延緩也亦有地方官已經起解而奸猾員役  
從中漁利或借口遠方買辦或指稱見在交納  
內外縣閃數年不結而地方官又或有事故更

代不常則稽查窮於無所施耳應如科臣議今後各省直撫按每季將起解某項錢糧差某官於某時起行限某時上納先行具題疏內尤宜明開節年共欠若干今解若干以便

皇上省覽該巡視衙門仍會同臣部將每月驗收數目印揭發抄庶內外查照即有時日違限分數不投者其情弊立見矣此又合京省而扼要釐奸之善術也總之邊疆多事軍餉日殷即

內供急需亦不無積逋而奸宄乘機侵牟且隨之

矣科臣救時畫策允稱良法真起弊維新之一  
大窾會也至於同爲臣子誰無食祿終事之心  
而有治人無治法尤望各省直撫按司道府縣  
各官同心體

國勿沿錮習可耳既經科臣條議前來相應詳酌  
覆

請恭候

命下臣部行文各衙門一體欽遵施行

崇禎四年五月初九日具

題本月十二日奉

聖旨錢糧綜稽屢經條陳部覆及奉明旨仍未見恪  
遵何益於事這酌議三款便著實飭行以信功令  
欽此

覆廣西撫按條議各廠稅銀疏

題爲粵廠太苛粵民窮定懇乞

聖明禁額外之征以甦困苦事廣西清吏司案呈崇  
禎四年六月初六日奉本部送戶科抄出巡撫  
廣西地方都察院右僉都御史加從三品服俸  
今被察臣許如蘭題稱先准戶部咨該本部題  
覆四川道監察御史李子璠題前事內稱兩廣  
稅廠不遵板榜舊例穀米等項原無稅而稅之  
小民困苦潯南二廠歸併梧州額餉總聽梧廠

收解平樂桂林二府稅銀爲數不多另查抵補等因覆奉

聖旨俱依議申飭行欽此欽遵備咨前來就經案行布政司各該道府查議以潯南併梧不便不若併南於潯以兩郡屬遞輪委征互稽盈縮計稱甚便及查平樂桂林二府稅銀餉無可抵仍照額徵等因蒙前巡按汪御史具呈都察院轉咨戶部去後又准戶部咨稱前項二議與本部原題不同是在撫按再一酌議徑自請

肯定奪等因備咨前來又經案行布政司各該道府  
各查議到職隨該會同巡按廣西監察御史畢  
佐周看得前按臣汪應元酌議謂南潯之厰可  
併而桂平之稅無可抵先經咨部裁奪職接部  
文允併南寧之厰於潯州矣其桂林平樂二府  
抵稅一節再行酌議官斯地者孰不願停征罷  
稅然罷稅儘可易言而抵稅苦無別法不得已  
而議及贖鍰又非所以惠商而乃實以病民也  
合無俯准司道之議仍舊征收其船頭米穀等



稅巡攔把水之擾永行裁革伏乞

勅下戶部再加查覈如果商無苦累將桂林平樂二府額稅照舊征收以裕宗祿軍餉等因崇禎四年六月初三日奉

聖旨戶部知道欽此又該廣西

監察御史畢佐

周題同前事崇禎四年六月初三日奉

聖旨戶部知道欽此欽遵各抄出到部送司案呈到部該臣等看得粵西彈丸小省土瘠民貧

靖藩宗祿軍兵糧餉皆取給於廠稅而廠稅之征

原非額外此似不可遲緩而短少者也先是臺  
臣系子璠曾宦西粵議以南潯之厰併於梧州  
而桂平之稅歸於贖鍰是有感於出途之苦而  
欲爲灑泗流膏之計亦甚有見今該省撫按議  
以南潯併梧州則岐逕多而透漏頗易趨避起而  
縮額可虞不若併南寧之厰於潯州則以左江  
之稅并於左江之官兩府屬輪委遞征互稽盈  
縮官不冗而稅無缺計亦甚便其桂林平樂二  
府之稅苦無可抵若欲歸之贖鍰而贖鍰各有

經費是捐之於商而取之於民非惠商而實病  
民也莫若照舊征收至於米穀人口飲食船頭  
新增等稅巡攔把水之擾悉爲禁除裁革蓋臺  
臣之建議猶爲旁觀之冷眼而撫按之覆議實  
屬憂時之熱腸權衡於地方之利病而斟酌爲  
不得已之籌畫將

天潢之派荷戈之儔胥攸賴焉是不煩再議而決者  
也旣經該撫按具題前來相應覆

請恭候

命下臣部一體遵奉施行

崇禎四年六月十五日具

題本月十七日奉

聖旨依擬欽此

題責令阜財坊宋二承辦錢糧疏

題爲商役僉派已定神奸營脫難徇仰祈

聖明勅令承辦以便責成事廣西清吏司案呈崇禎  
四年四月二十日奉本部送戶科抄出

中都留守司署正留守宋嘉賓奏爲微臣父喪方  
疚重役難供瀝懇

天恩電軫苦情俯賜超豁事內稱臣父止生二子臣  
旣驅馳戎馬南北隔絕臣弟今纔四歲乳哺未  
乾此外絕無親丁忽今二月內臣義男陳豹奔

赴臣任言被讐家陷害將臣極遠族人宋三振  
報供用庫商人今二拴通讐家竟自招認辦納  
錢糧絲毫皆索自臣家竊念臣子義不顧身又  
安敢避役乎第以如此重大錢糧責之既貧且  
喪之臣更以極無賴之二借公濟私百計驚嚇  
伏乞查照天啓七年九月內奉

旨豁免事例將宋二詭名仍與開釋則

夫恩浩蕩微臣自當粉骨碎身等因本年四月十八

日奉

聖旨據奏宋二既係遠族僉報庫商與嘉賓荷涉不得援例希免該部知道欽此欽遵抄出到部送司又據供用庫新商宋二告爲奸誑指

旨壓指移累懇超事內稱身排第二與侄相同次序伯侄有分身居金城坊侄住阜財坊萬金產業各地各慶禍因勿侄宋二奉本司行城拘阜財坊新商宋二原係有親兄嘉賓在

中都留守家中無人應役被賓用事人汪大央身代辦一應錢糧俱係侄出遭餌一月嘉賓具本

誑奏等情到司案查宋二之報原係向日科  
從公審定各商衆議僉同明開阜財坊居住  
緘送司該前任郎中朱萬年隨即密緘發西城  
掌印兵馬司照依阜財坊分拘喚正身應役無  
金城坊宋二之說也不知何故該兵馬司突報  
宋二住阜財坊三牌一鋪總甲解其地方今移  
居金城坊四牌三鋪總甲王文舉地方卽此已  
伏脫卸之案矣迨金城坊宋二解司遂會銀三  
百兩買辦上納於時郎中朱萬年見其承認辦



納亦遂不暇究此中真假忽有

中都留守宋嘉賓者具疏奏辯內云宋二係臣幼  
弟住阜財坊其新商宋二係遠族見住金城坊  
一貧如洗貽累臣弟不知當日所報原阜財坊  
嘉賓之弟之宋二非金城坊一貧如洗之宋二  
也旣曰一貧如洗科院當日審定豈有不僉官  
而僉貧之理况原報爲阜財坊宋二至兵馬司  
拘拿始添出移居金城四字則此中之情弊亦  
已顯然矣案呈到部該臣等看得供用庫商人

賈辦香料素稱苦累然不能廢置不用也其  
於供用庫商人加意體卹創爲截數上庫截  
給價之法然終不能使人欣然承當也如宋  
者可異焉宋二雖有兩人抽換總是一身當  
科院之僉報明註宋二住阜財坊何故忽有金  
城坊之說金城坊之宋二一貧如洗安得有  
百金之上納蓋布局未定則明以金城坊宋  
應役而猶陰以阜財坊宋二承辦錢糧狡謀  
遂卽堅以金城坊宋二抵搪而阜財坊宋二

免脫不可復問矣一商倖免衆商觀望合照前  
報阜財坊宋二責令承辦錢糧截領商價庶奸  
計無所復施

上供不致違悞矣既經該司具奏前來相應覆  
請供候

命下臣部移文科院并供用庫一體遵奉施行

崇禎四年七月二十二日具

題本月二十五日奉

聖旨據稱庫商宋二突報移居借端凟奏情弊顯然

着照原僉責令承辦該坊官姑不究該衙門知道

欽此

覆查明應減 內供鋪墊疏

題爲查明應減鋪墊遵

旨具奏事廣西清吏司案呈崇禎四年五月初五日  
奉本部送戶科抄出該本部題爲

聖主爲民求莫微臣遇災思救敬循職掌據末議以  
答

乾陽事本年五月初三日奉

聖旨覽奏十款俱關籌兵裕餉恤民至計內薊島秦  
晉及賦役火耗等項已有屢旨召買量收本色卽

如議飭行其舊餉應蠲鋪墊應減追贓應豁酌量  
該衙門查明開列來看省直壓徵前着各撫按詳  
覈歷來緣繇如何未見回奏還立嚴限與他欽此  
欽遵抄出到部送司除舊餉應蠲追贓應豁并  
工部所轄乙字廣積戊字三庫合聽自行裁減  
各另疏具覆外所有本部所轄場局庫監鋪墊  
一節先經移文甲丙丁承運廣惠廣盈并  
御馬倉天師庵中府場及司苑局酒醋局內外供用  
庫各議減去後隨據甲字等庫回稱案查舊曆

十二年四月內該戶部題履禮科給事中苗朝陽條陳疏中內稱據廣西司移文巡視十庫科道等官常居敬等回稱各庫鋪墊先於萬曆五年爲解納錢糧不堪已經巡視科道會同戶工兩廳裁減甲字庫原收三梭布每疋鋪墊銀一錢二分減銀三分綿布疋每疋鋪墊銀六分減銀一分六釐河南山東綿布每疋鋪墊銀二分四釐減去銀一釐銀硃二硃藤黃紫草散花青每斤鋪墊銀一錢二分減銀一分紅花每斤

鋪墊銀三分減銀二釐烏梅黑鉛五倍子等藥

料每斤鋪墊銀一分二釐減銀一釐丙字庫原

收絲綿每斤鋪墊銀二錢六分減銀六分綿花

絨每斤鋪墊銀一分二釐減銀二釐丁字庫原

收紅黃熟銅生銅錫黃蠟牛筋生漆每斤鋪墊

銀一分八釐減銀二釐桐油每觔鋪墊銀九釐

減銀一釐牛皮每張鋪墊銀一錢減銀二分水

牛角每副鋪墊銀七分減銀二分承運原收黃

生絹每疋鋪墊銀八分減銀二分廣惠庫原收



鈔每一千貫鋪墊銀一錢銅錢每一千文鋪墊銀一錢五分乃鈔關起解原無增減及稱前項物料收貯在庫係干

上用錢糧必須慎重方保無虞合用楞木板枋蘆席繩杠并脩理庫藏買辦木石磚瓦雇募工匠等費若欲裁省前項之費從何取給等因到司案呈到部爲照

內供錢糧征派有正數輸納有常額行之已久弊竇漸滋既經科臣苗朝陽係議及巡視庫藏科

道等官常居敬等回稱前因相應行巡視科道  
官并本部委官查照萬曆五年裁定舊數各項  
下再行裁減等因萬曆十二年四月十八日該  
本部具題本月二十一日奉

神宗皇帝聖旨各庫解納錢糧只照五年裁定規則  
行其餘依擬欽此移文本庫遵行在卷今查鋪墊  
之設原非小小浮費蓋自派徵之初慮及錢糧貯  
收在庫虞其厭漏地濕議以每疋每斤量隨折  
價以作苫蓋鋪墊脩理人工木植磚瓦灰席繩

杠等費載入批申以杜解役侵漁卽如倉廩損壞猶有工部年例補修各庫鋪墊自繕二百餘年所省司空奚啻倍蓰哉至於收藏慎重良有干係連陰則置之高架上苦下墊恐致濕浥糜爛炕陽則移於磚地備以水桶逐日巡看以防蒸熱之虞搬運日募人工脩理雇覓夫匠凡遇欽賞傳取應用箱篋架杠包袱油袱等件不可更僕而數况萬曆五年會減日具奉有

神宗皇帝聖旨各庫解納錢糧只照五年裁定規則

行其餘依擬欽此遵行已久今再裁減則庫藏愈  
久愈脩而愈費須用不敷何以措處似難裁減  
又准

御馬三倉回稱本場錢糧惟有腳價卽爲鋪墊相  
沿二百餘載非近日之創設也蓋以本場脩理  
苫蓋物料工食犒賞等費俱出於此經費非輕  
似難議減等因各到部蒙批十庫鋪墊卽有脩  
理在內前於萬曆五十年議已定似難再減來  
揭未爲無見但因旱恤民

聖明一番德意原自浩蕩似不便徒托之空言也廣  
西司會同驗糧廳商確仍量爲裁節以甦民困  
奉此復該本司會同驗糧廳移會甲字等庫并  
御馬倉等場司苑等局復議去後續准甲字等庫  
揭開錢糧初到運收進庫寄頓前廠搬運秤看  
添換包箋紙夫食用等項例係官辦自備凡三  
梭布綿布每疋裁去雇夫食用銀一釐銀硃二  
硃藤黃紫草靛花青等料每斤裁去夫箋紙銀  
一釐烏梅黑鉛紅花五倍子等粗料每十斤裁

去夫簍紙銀一釐一年布料截去夫簍食用  
銀共省官解四百五十餘兩丙字庫綿絲每  
裁去紙銀一釐綿花每十斤裁去夫紙銀一釐  
一年裁減夫紙銀共省官解五十餘兩丁字庫  
紅黃熟銅生銅錫黃蠟牛筋生漆每十斤夫紙  
銀二釐五毫桐油每十斤夫紙銀二釐牛皮每  
十張夫紙銀一分二釐牛角每十副夫紙銀五  
分每年額解各料三十萬斤共省官解銀七十  
五兩承運庫每絹一疋裁減夫紙銀一釐一年

裁去丸紙銀共省官解一百四十兩折銀交庫  
以充前用此項不在批申似可裁革又據

御馬倉內場揭開本場草原在崇文門外暫貯候  
各商買齊然後挑進每歲有賃園銀七百五十  
兩合無裁減嗣後客草竟進入場每月豆麥陸  
續運進俟完日驗收有場役人等巡邏看守工  
食銀十一兩一歲之中約有一百三十二兩似  
可議裁又據天師庵草場揭開商人辦納草束  
進場未經驗收干係在于衆商而下役代商看

守晝夜巡邏以保伊之資本故每年有盤費  
若銀三百一十兩合將此項議減又據中府幕  
場揭開本場惟有舊額餘丁二十名以備外巡  
錢糧之用皆商人給付工食今有庫秤四十名  
晝則堆垛收放苦蓋夜則內巡關防合無代派  
外巡此餘丁可減也每名每月工食一兩三錢  
計十二個月共二十名共計減銀三百一十二  
兩又額給嚴冬巡邏各役皮襖該四十二領合  
議止存十領換班接替乃換人不換皮襖之意



也其三十二領應減每領官價銀一兩五錢共  
減銀四十八兩二項共減銀三百六十兩又據  
司苑局開稱本局將黑豆每石捐鋪墊銀二分  
計銀九兩五錢穀草每束捐鋪墊銀二釐計銀  
二十五兩二項共捐鋪墊銀三十四兩五錢又  
據酒醋局回稱每歲局役人等各項使費銀兩  
裁去六十三兩五錢以甦民困又據內外供用  
庫回稱除白糧之席價耗銀并香蠟之使用浮  
費已經先今知會曉示裁革外再將沉香一項

念其產自海外置辦維艱特准免納鋪墊銀兩  
各等因到司案呈到部該臣等看得

內庫并場局錢糧之有鋪墊其來非一日矣案查  
萬曆五年已經裁減一番

皇祖仁恩翔洽民到于今受其賜自頃旱魃爲虐  
皇上側身脩行敬

天勤民臣忝大農敬循職掌謬陳一得內一款求減  
各商民鋪墊荷蒙

聖明採擇芻蕘沛發

俞音而一時庫場局等監亦各仰承

德意慨然於無可減省中求爲減省據其數按之雖  
無多累之則已渥有之未必怨蠲之則知恩行  
見巷舞塗歌共頌萬年之

天子從此五風十雨永開億載之太平矣既經各該  
庫局查減前來相應覆

請恭候

命下臣部移文各該衙門遵奉施行

崇禎四年九月十五日具

題本月二十五日奉

聖旨商賈最苦額外陋例刁索凡經過衙門都要設  
法嚴禁鋪墊中最多的還着量裁該衙門知道欽  
此

遵旨再查明庫商疏

題爲遵

旨查明庫商具奏事廣西清吏司案呈崇禎四年十  
月初七日奉本部送戶科抄出

中都留守司署正留守今降級照舊管事宋嘉賓  
奏爲商役朦僉

聖恩已賜開釋奸徒仍肆誣害再辯以遵

明旨事內稱臣家幼弟爲讐人朦報商庫僉名阜財  
坊宋二蓋指臣四歲幼弟也而金城坊宋二其

年長矣不意大二無賴因臣遠任拴通管家屬  
認阜財坊宋二駕言小二不能應役大二理當  
出身不念臣有優免之例也懇乞照例除豁等  
因本年十月初四日奉

聖旨這見商宋二是否卽係宋嘉賓親弟併遠族宋  
二今在何處着該部查明來說欽此欽遵抄出到  
部送司奉此案查崇禎四年二月初七日准巡  
視太倉銀庫手本爲遵例僉商承辦

上供香蠟錢糧事開稱崇禎三年中秋單業經具題

奉有准派新商承辦之

旨合行更替今據各役報有殷實新商金西泉宋二  
等一十八名併住城坊牌鋪總甲姓名知會煩  
爲送庫應役承辦錢糧等因密緘送司卽該本  
司前任郎中朱萬年內查一名宋二住西城阜  
財坊三牌一鋪總甲解其地方當時密緘發西  
城兵馬司速拘宋二正身應役至初九日據西  
城兵馬司呈解商人宋二併開住阜財坊三牌  
一鋪總甲解其地方今移居金城坊四牌三鋪

總甲王文舉地方到司隨取金城坊住商賈  
認狀及隣佑李文明總甲王文舉保狀在案朱  
二遂會銀三百兩買辦錢糧上納比時朱郎中  
見其承認辦納亦遂不暇究其真假至本年四  
月二十日奉本部送戶科抄出署正留守朱嘉  
賓奏爲微臣父喪方疚重役難供瀝懇

天恩電軫苦情俯賜超豁事等因本年四月十八日  
奉

聖旨據奏朱二旣係遠族僉報庫商與嘉賓何涉不



得援例希免該部知道欽此欽遵抄出到部送司  
又于本年七月初九日據供用庫新商宋一告  
爲奸誑指

旨壓指移累懇超事內稱身排第二與姪相同次序  
伯姪有分身居金城坊姪住阜財坊萬金產業  
各地各受禍因幼姪宋二奉本司行城拘阜財  
坊新商宋二原係有親兄嘉賓在

中都留守家中無人應役被嘉賓用事人汪大央  
身代辦一應錢糧俱係姪出遭餌一月嘉賓具



本証奏等情到司該本部看得宋三雖有  
抽換總是一身當日科院僉報明証宋二係  
財坊何故忽有金城坊之說金城坊之宋二  
貧如洗安得有三百金之上納蓋布局未定期  
明以金城坊宋二應役而猶陰以阜財坊宋二  
承辦錢糧狡謀既遂卽堅以金城坊宋二抵  
而阜財坊宋二遂免脫不可復問一商倖免  
商觀望合照前報阜財坊宋二責令承辦錢糧  
截領商價庶奸計無所復施

上供不致違悞等因於本年七月二十二日該本部具題商役僉派已定神奸營脫難徇仰祈

聖明勅令承辦以便責成一疏二十五日奉

聖旨據稱庫商宋二突報移居借端凟奏情弊顯然着照原僉責令承辦該坊官姑不究該衙門知道欽此欽遵抄出到部送司奉此隨于八月初二日取有阜財坊宋二自開中間不致詐冒認狀及隣佑陶學郭大賢保人陳忠保給在案嗣後宋二亦復會銀八百兩見在應商置辦不意

兄宋嘉賓因奉

旨着照原僉承辦又見襄城伯李守靖題免張隆  
役內奉有俟及職官着該管官回奏之

旨併祈照錦衣衛等例除額伊弟庫商復行具奏  
旨下部呈乞具覆等因案呈到部該臣等看得宋二  
名同實異一住阜財坊科院原僉者是一住金  
城坊兵馬司拘解者是阜財坊宋二居富爲  
賓之弟金城坊宋二食貧則嘉賓之伯也原僉  
爲阜財坊宋二而竟以金城坊宋二充役則兩

人原有成約蓋自賓弟宋二會銀三百兩以後  
飄然長逝不惟衆商嗷嗷各生規避之心卽金  
城坊宋二亦恚其反覆不復愿代苦比矣臣等  
不得已前經據實入

告遵

旨拘認旣已踰月而伊兄宋嘉賓者今復援例乞免  
則聞職官張陞蒙

恩豁免之事而興起者也據奏初僉庫商爲遠族  
二伊弟宋二尚在幼歲不堪應役獨不思金城

阜財坊分自別卽云伊弟無非壯大兩項在  
家政逐什一之息者不又有人也且見  
實爲嘉賓之弟而所稱遠族宋二自前拘解後  
今仍居金城坊臣等前疏所云阜財坊嘉賓之  
弟之宋二非金城坊一貧如洗之宋二其言因  
不誣也金城坊宋二旣貧不堪着役而嘉賓弟  
宋二復援

會典文武之家優免徭役二丁及錦衣衛同居弟  
姪優免之例應否准其豁免

恩典出于

上裁臣等未敢擅擬事關

上供統惟

聖明裁示容臣遵奉施行

崇禎四年十月二十八日具

題十一月初四日奉

聖旨阜財坊宋二旣稱年幼且係職官同居親弟例  
得免役但金城坊宋二初報時何故應承今復縣  
避還着該部提究明白來說欽此

遵旨查明庫商疏

題爲遵

旨查明庫商具奏事廣西清吏司案呈崇禎四年正  
一月初八日奉本部送戶科抄出該本部題覆  
查明庫商宋二係署正留守宋嘉賓之弟先解  
族伯宋二仍居金城坊而嘉賓援例乞免應否  
恩出

上裁緣繇本月初四日奉

聖旨阜財坊宋二旣稱年幼且係職官同居親弟



得免役但金城坊宋二初報時何故應承今復  
避還着該部提究明白來說欽此欽遵抄部送司  
奉此遵提金城坊宋二到官審據宋二稟爲奸  
避貽陷坑貧殺命事切有阜財坊富豪宋二原  
係族姪比時被報供用庫商身居金城坊並與  
原報無涉祇因伊兄在任家中無人應役被彼  
用事人汪大央身代辦姪會銀三百兩辦納錢  
糧豈今奸生異心倚兄職官奏豁茲蒙提究切  
身赤貧如洗雖粉骨難肩重擔况

內供錢糧非比泛常將來有悞雖死無益等情據此隨將宋二所供緣繇呈堂復查無異呈乞具覆案呈到部該臣等看得金城坊宋二寔人之子也筑筑一身曾不能具朝餐其不堪承辦

上供明矣祇因伊姪阜財坊宋二被僉庫商缺人應役囑彼頂名代辦富者出財役貧而貧者亦願自以身代此當日兩宋二之本情也迨嘉賓奏請超豁伊姪旣飄然不顧而金城坊宋二獨坐苦比計畫無復之亦遂避不應役此又金城坊宋二

之真情也前疏言之詳矣今奉

明旨准免阜財坊宋二提究金城坊宋二臣等再四  
研究委出前情原無他弊謹此奏

聞統惟

聖明鑒奪施行

崇禎四年十一月二十日具

題本月二十三日奉

聖旨知道了欽此

覆巡青科院增減商役疏

題爲遵

旨明白具奏事廣西清吏司案呈崇禎四年十一月  
十九日奉本部送戶科抄出刑科等衙門右給  
事中等官葛應斗等奏前事內稱

御馬倉應加商人三名象房草場應減商人二名  
寶鈔司應減商人二名司苑應減商人三名又  
稱各場儲需單匱新舊商人物力疲乏誠恐草  
料價值一時踊貴衆商措辦維艱未免延捱耽

帳展轉圖迴惟有截支一法可少甦困苦等因  
崇禎四年十一月十六日奉

聖旨編商但令供役豈宜重困這本內所稱截支當  
用何法併增減名數俱着該部酌議具奏欽此欽  
遵抄出到部送司議覆間又奉本部送據監督  
主事郭昭封呈爲草束買補數多時迫需商數  
少懇乞查草題增以濟緊急軍需事明智臺基  
北新三場舊有年例草束額商買補而軍興之  
草自虜警以來援兵支盡故買補猶亟亟也崇

禎三年正月初七日先蒙本部題

請草商務擇殷實每場十名奉

旨在本部今秋凌警報急買補更倍茲計應買草束明  
智場年例草一十萬九千九十九束五斤軍興  
援兵草一十八萬二千三十八束臺基場年例  
草一十一萬六千三百三十三束軍興援兵草一十  
五萬一千五百八十九束三斤北新場年例草  
一十二萬九千二百九束軍興援兵草一十七  
萬五千七百二十三束三斤今歲編審新商巡

青科院矢慎之極止照見存商數更替明智  
止九名臺基場止八名北新場止九名發場  
役已經一月所買不及二三萬職終日在場理  
諭刑追心血嘔盡乃各商之告艱難告添商若  
寧甘斃于桁楊未能輸情于立辦者近蒙

皇上軫卹勞役業下部議截支矣然猶合口堅稱草  
束倍于往年貧力難于兼辦愁苦之狀不能盡  
言及查軍興援兵果急于年例軍興援兵之草  
果多于年例商數果限于前額况年來民力已

竭蹶寥寥數商供此最多最急之需轉盼歲終苦  
無餘日安得不呼天搶地也懇乞于覆疏中併  
賜題

請每場量增數名在各商得衆擎易舉在軍儲得早  
濟急需矣又據監督主事王淪初呈爲商困已  
極乞賜酌處以無悞

國儲事蒙委管理象房等場聞

命以來蚊負是懼近據倉場官攢稟稱秋穫已完例  
應目下辦買錢糧見在諸商紛紛告苦有僅買



麥須上納者亦有承辦無措者查得安仁坊該  
買年例草一十二萬八百一十束軍興草九萬  
八千一百四十四束一十三斤今止商人八名  
西城坊該買年例草一十三萬六千八百五十  
二束軍興草五萬束今止商人七名錢糧繁夥  
商役不支蓋瘡痍之餘原非昔比今日之軍需  
雖較之往日更急而今日之商力實較之往日  
倍艱若不申明恐致耽悞懇乞裁酌主持或准  
照截支舊例稍爲通融或每場量益數名令其

協辦總于彫剋之際曲爲接濟之方則羣望不  
孤軍

國有賴各等因到部蒙批廣西司查議具題奉批  
到司相應一併題覆案呈到部該臣等看得倉  
場商役三年一更所以均勞逸便輸將也各商  
名數原無定額每當僉換之期巡青科院惟以  
見在商役爲數俾舊商各報一人時異事殊多  
寡不無參錯科道葛應斗等再爲衡量

御馬倉中府場天師庵承辦草數相同其中天二

場原商各十八名

御馬倉獨加辦料豆較之二場錢糧頗多于原  
二十一名外議增三名內外象房承辦麥草此  
之

御馬倉多寡相懸于二十名內議減二名寶鈔司  
錢糧爲數不多于十二名內議減二名司苑局  
錢糧既已折辦一半于七名內議減三名蓋錢  
糧少則商宜減不減適以滋擾錢糧多則商宜  
增不增恐其觭累俱當准從者也乃明智臺基

北新安仁西城五場商役亦覺有當增者先是  
五場各商多者九人少者七人其承辦草束只  
有年例一項自逆奴犯順支用數多新增軍興  
草六十餘萬束草旣增而商仍故數十萬芻藁  
責之寥寥數商咄嗟倚辦臣恐其不能得也續  
而計之明智坊買補軍興援兵草一十八萬餘  
宜量增六名臺基場買補軍興援兵草一十五  
萬餘宜量增五名北新場買補軍興援兵草一  
十七萬餘宜量增六名安仁坊買補軍興援兵

草九萬餘宜量增四名西城坊買補軍興援兵  
草五萬餘宜量增三名總之隨草數之盈縮定  
商役之多寡使得以協同措辦斯衆擎易舉而  
軍儲有賴也至于截支之法前日有行之者供  
用庫香商是也今各場料草一時驟買人多價  
踊各商措辦維艱若俟全完季終始給則各商  
必有不繼之憂况京五等場承辦軍興草束錢  
糧最爲喫緊相應截支以速辦納其法隨納完  
之多寡但有成緒監督具數呈部臣等擬于閏

十一月二十九日酌量題

請截支一次其

御馬等倉應給商價壓欠尚多照例具題給散仍  
俟十二月二十五日季終再行題給一次則積  
負不至久連人情有所激勸而軍需亦或有賴  
矣至于明歲仍以季終支放爲定固不得援今  
日以爲例者也恭候

命下臣部移文巡青科院衙門速報真正殷實富戶  
發場應役併將商價按期題給施行

崇禎四年十一月二十五日具

題本月二十八日奉

聖旨俱依議欽此

覆千戶喬木春奏辦商役疏

題爲貧弁四年力役兩疏懇

恩已奉更替之

明綸未沾解網之實澤謹再瀝血衷伏乞

聖明矜全蟻命以彰好生之仁事廣西清吏司案呈

崇禎四年閏十一月初四日奉本部送戶科抄

出燕山左衛前所掌印世襲副千戶喬木春奏

前事內稱自天啓七年被讐將臣號玉吾妄報

天師庵草陶苦應四載去年三月八月兩疏所



恩未豁幸值僉商之時隨例僉報一人忽復傳拘爲  
新商領袖卽碎臣爲齏粉萬難支持于旦夕伏  
乞

勅下該管衙門准照更替成規之

前旨與職官張陞等旋報旋免之近例一體從公豁  
役等因十一月三十日奉

聖旨據奏喬木春以職官供役四年是否實情該部  
查明具奏欽此欽遵抄出到部送司遵于閏十一  
月初五日呈堂移咨兵部查喬木春是何職官

果否卽喬玉吾一身係燕山衛千戶以便具奏  
去後本月十三日准兵部回稱喬木春原係燕  
山左衛實授百戶後遇

誕生

恩詔題陞副千戶至于喬木春果否卽喬玉吾無憑  
查覈等因到部送司議覆間閏十一月二十六  
日又奉本部送戶科抄出督理巡青刑科等衙  
門右給事中等官葛應斗等題爲庸弁借職免  
商情法兩有可議謹據直陳以明職掌以聽

宸斷事內稱天師庵前次原額商十八人今審留舊  
商計六人從無喬木春名色止有喬玉吾係舊  
商王東庵所報臣等照舊冊審其應留而留之  
不知玉吾之爲木春也然木春雖係職官初未  
嘗出名承辦臣等因疏詳查有舊商亢惟玉等  
五人見喬木春借銜求免合詞控籲公出合同  
一紙以玉吾前與五人共議自揣應留立此私  
約夥辦錢糧今玉吾一旦背約借職官具疏求  
免是以嘵嘵不平再執約而問向來當商者誰

則曰木春之弟喬木華今日立約者誰亦曰本  
華然則木春何爲具疏則曰當日報商因報號  
玉吾故木春混爲已號兩疏求免今因存留又  
巧詞哀籲與或展脫而實則四年當商者乃木  
華也卽木春疏稱木華係京營聽用不過後來  
鑽營名色希旨規避難容木春飾詞巧借與免  
其弟商役木春始理窮語塞仍復令木華同衆  
商投夥辦認狀矣等因閏十一月二十三日奉  
聖旨喬木華着仍舊供役該部知道欽此欽遵通抄

到部送司查得

前旨原令查明具奏相應具覆案呈到部該臣等看得商役之困至今日極矣辦納不前涕泣求免者不一而足喬玉吾四年供役不爲不苦第已往在舊商留用之列免之無名抑恐他商援爲例也據千戶喬木春疏稱身係職官被讐捏號玉吾乃臣等移咨兵部回稱無憑查覈而巡青科道詳查當日原報與今日應留者乃木春之弟木華耳職官爲弟籲免其情可原而卽以職官

之弟託爲職官其事未可訓也已蒙

聖明洞鑒着伊弟喬木華仍舊供役臣等無庸再贅  
俟下次僉商乃可徐議豁免耳惟是奉

旨該部查明具奏相應覆

請供候

命下臣等行令該衙門遵照施行

崇禎四年十二月初七日具

題本月初十日奉

聖旨是欽此

覆順撫京商破例外僉疏

題爲京商破例外僉畿民不堪驚擾懇

恩速賜豁免以遵

祖制以信

明給事廣西清吏司案呈崇禎四年十二月初九日  
奉本部送戶科抄出巡撫順天等府都察院右  
僉都御史傅宗龍題稱據霸州道兵備右叅政  
張耀采呈據固安縣申蒙戶部監督劉王事信  
票又巡青科院憲票爲編審商役事仰縣計拘

趙可讓應役又准宛平縣故牒蒙戶部監督主事票拘馮思金應役又據涿州監生趙進來訴稱被京棍將文與楊二膝扳情新司柴炭舖商又據良鄉縣申奉工部屯田清吏司紙牌仰該縣將李少庵解部承辦柴炭錢糧又據良鄉縣申蒙督理巡青科院憲票仰該縣嚴拿孫金陳玉泉李大福送場應役等因到院看得

祖制僉商不出

國門之外至於近畿黎庶自有本等差徭內商



不外僉二百餘年無敢違忤况良承郵遞之疲  
甲天下而良與固又俱爲奴所屠予遺幾何而  
堪此巨役伏乞

勅下該部科院查覆先將趙可讓趙進文李少庵孫  
金等豁免等因崇禎四年十二月初六日奉

聖旨畿邑被災方切軫恤如何僉報京商本內事情  
着該部查議具覆欽此又該巡按直隸監察御史  
吳阿衡題回前事本月初六日奉

聖旨已有旨了該部知道欽此欽遵通抄到部通送

到司除柴炭商人移咨工部自行查覆外其餘  
場商人係巡青科道僉派已經呈堂移文查議  
去後今准回稱查得僉商及外州縣非自今且  
始也上次舊商已經報替者在良鄉則有盧近  
溪在涿州則有蔣大坤在東安則有劉銘在灤  
縣則有康科在昌平則有梁通家在武清則有  
周應詔周維翰若而人在房山則有龔國禎王  
韋綸張內槐莊三趙尚仁李九成王良禎周歡  
古若而人在通州則有高徽松樊瓊祿姜希增

馬隆川杜仰泉武應時王濟翟浦應時張大若  
而人其見留舊商在東安則有于化陽在武清  
則有薛愛塗程一鵬在香河則有張秉廉在鎮  
安則有吳近泉若而人今次見編新商據撫臣  
疏中所及者纔陳玉泉及李大福卽李得福兩  
人着役其孫金趙可讓馮思金或免或未拘到  
俱未經具題者其已着役新商則張家灣之戚  
國祥鳳道通州之呂舉曹爲之任湖永清之張  
堯臣李少庵武清之曲應選王守惠盧應兆張

守禮香河之李大化秦光祚東安之張天錫  
抵之張思交柳縣之趙戴董誠房山縣之張  
道楊一詔涿州之劉自仲壽本官昌平州之  
三才谷進科是不一人大都好義之民便安  
承辦而勢豪有力之家反不肯赴

公家之急必百計求脫以爲愉快如此一二人  
計得售凡着役新商如廐國祥等懇必援例求  
免矣新商既當同仁則存留舊商之薛文堂等  
宜特加寬恤矣新舊俱免將

國課誰辦况都民凡有富民無不買官買差以爲  
免商計而京商之利強半爲附近州縣有力者  
所熙攘獨至僉審則借外民爲詞以覲展跪將  
無可僉之人矣外地被虜固自當優如疏中所  
列馮思金原報宛平縣南各庄地方陳玉泉住  
南城關外坊俱詭藉良固赴懇求免卽果係良  
固地方亦坐商于京者也京縣如此并無可僉  
之地矣撫臣職在撫綏爲地方  
請命自宜任受德職等職在編審爲

朝廷終事實不敢不任受怨奉

旨查議揆之時勢如彼酌之情理又如此誠有不得不確爲議者故不得不通查新舊商大以備詳議也等因到司准此相應議覆案呈到部該部等看得草場之有各商也居王土爲王民僉派供役分實應爾先是間左殷富其民奸義終惠而

京師者五方之所奔走百物之所輻輳富商大賈誠不乏人頃歲以來蕭條日甚而機巧亦自

凡所僉派商役大率皆中富也上富多買官役爲護身符河南南陽不可問矣其下者力不足承辦智不足營脫一經僉報惟有髡髮墮耳挈妻子去鄉井而他徙耳故今日不惟商難卽僉商者亦難

輦下不足而侵及於附近之州縣巡青科道不知費幾許籌思而後審定豈得已哉今撫按二臣以京商不得外僉爲民求免誠惠愛三輔之苦心但

京師土著半係外縣之人其居外縣者又多往來  
貿易利于

京師利則趨之役則避之恐亦非情理之平也查  
新舊二商之在外縣者亦多矣以爲當免則誰  
不當免令各以陳玉泉李大福等爲口實貿然  
釋其役而掉臂求去則

御驥料草并三大營馬匹之需將責何人以承辦  
耶僉報已定似無容於再議者也伏乞

勅下臣部移文撫按及巡青衙門遵照施行



崇禎五年正月初十日具

題本月十二日奉

聖旨陳玉泉等着仍應役欽此

題僉商擾民請寬限具奏疏

題爲懇

恩寬限具奏事廣西清吏司案呈崇禎五年二月十一日奉本部送戶科抄出順天府五城宛大三縣居民翟守謙等奏爲畿民愁困已極

國本維繫宜周謹陳收拾大機并悉變通膚策以起民瘼以急

上供仰祈

聖明採鑒事等因崇禎五年二月十一日奉

聖旨京師根本重地朝廷軫念民艱亟思撫恤據稱

僉商擾累殊側

朕懷這本內事情着該部科悉行商酌詳

議妥確限三日具奏欽此欽遵抄出到部送司查

僉商事關三部原非一人私議而向來常法一

旦更之須擇一經久可行之術未易草草計議

合無奏

請寬限等因案呈到部該臣等看得京師根本之地萬

姓苦樂關繫安危比者僉商苦累民無樂業瞿

守謙等以都民談都事情尤迫切幸我

皇上加惠輦轂更張化瑟著該部科悉心商酌詳議  
妥確具奏臣等捧誦之下歡然踴躍惓惓焉懼  
不能承宣德意惟是

明旨定限三日

聖恩浩蕩急欲通變以利民臣識暗汶尚須廣詢而  
傳訪查疏內僉商事理非惟臣部有之卽兵工  
二部光祿寺皆有之又當會同該科面相商確  
就中旣欲便民又欲便

國方員並畫大費踟躕如使慮之不畏亦恐行之不

遠必當虛公酌議庶無窒礙難行今實未敢率  
爾入

告苟且塞責也伏乞

聖明稍展限期容令臣部移咨各該衙門會議具覆  
施行

崇禎五年二月十三日具

題本月十四日奉

聖旨知道了還著速行詳諮確酌務期公私兩便經  
久可行以稱朕軫恤民艱至意不得延緩欽此

覆僉商困民改議官買疏

題爲畿民愁困已極

國本維繫宜周謹陳收拾大機並悉變通至理以  
起民瘼以急

上供仰祈

聖明採鑒事廣西清吏司案呈崇禎五年二月十一  
日奉本部送戶科抄出順天府五城宛大二縣  
居民翟守謙等奏稱僉商苦累畿民乞

勅各衙門設法變通務祈必免僉商之令必行官買

之法并議排門之法爲徵丁之法凡門面房  
間卽算一丁一年止徵丁銀或一錢或五分計  
歲可得銀幾十萬兩內以十五萬兩爲各衙門  
買物賠折其餘銀兩徵存內帑預助軍需倘外  
解偶有遲欠亦可墊發不誤

上供等因本月十一日奉

聖旨京師根本重地朝廷軫念民艱亟思撫恤據稱  
僉商擾累殊惻朕懷這本內事情着該部科悉心  
商酌詳議妥確限三日具奏欽此欽遵抄出到部

送司查得僉商事理非自本部旨兵工二部光祿寺皆有之又當會同該科商確未敢率爾入告乞懇恩寬限具奏等因二月十四日奉

聖旨知道了還着速行詳諮確酌務期公私兩便經久可行以稱朕軫恤民艱至意不得延緩欽此欽遵抄出到部送司隨經本司一面先已呈堂移咨兵工二部併劄光祿寺及移會戶科等科各監局詳加酌議及咨都察院轉行五城御史備查都民房間數目去後又該本部會同兵部尚



書熊明遇工部尚書曹珖戶科都給事中玄默  
及巡青科道許國榮陳奇猷會集公所從長計  
議大都謂

皇上軫念民瘼計甦商困改僉商爲官買斷在當行  
但事當更始法令一新利弊宜詳窵會當悉續  
據巡視五城御史周堪賡等各具揭回報查得  
五城優免併見徵共原額門面房共二十萬五  
千四百四十六間半內見徵房共止一十二萬  
七千二百一十五間半每年除例免三個月每

間各徵銀不等共徵房號銀三萬七千八百一十三兩零又該本司手本移會

御馬中府天師三場及供用庫酒醋司苑局等  
監各用手本回覆前來各到部送司查得各衙  
門僉免商役雖同但錢糧款項各別其隸兵工  
二部併光祿寺老應聽該衙門各另具覆外案  
查崇禎二年二月內奉本部送戶科抄出錦衣  
衛百戶楊時茂京民劉光祖等因僉商苦累奏

請官買折給奉

旨下部遵該本部會同兵工二部併光祿寺會議  
各衙門俱知僉商苦累况奉

旨有曰這本說召買折給事宜多有可採是今蘇  
之法誠不越官買折給二議矣本部查得官買  
之法各倉有監督分司與管理內監兼設者亦  
有專用監督及專用內監者聞各僉商收買料  
草亦非沿鄉履畝肩挑擔負而來總藉經紀牙  
行爲號召此經紀牙行者僉商可用官買亦可  
用也今若官買將經紀立爲官牙大倉四臥

倉二三人工食以十二兩爲率卽於本項錢糧處給過秋收時責令招集鄉販各監督會同的監及巡視科道查收隨買隨給價銀或令監督領出預支銀兩暫寄外庫無令積棍鑽營騷騙拖欠違者監督以不職論此在

御馬三倉當監督與內監同買在京五草場與象房草場當監督自買俱聽巡視科道稽查其內供用庫香蠟寶鈔司稻草原無監督則徑折給內監自買外供用庫司苑局司牲司豆草酒醋

麪局麥豆草束藁稽亦有內監而無監督仍  
折給爲便大壩等二十四馬房去京寫遠雖有  
監督向俱內監爲政則仍折給內監犧牲所有  
太常寺職官查驗該所千戶及官軍經管宜令  
千戶收買而監督驗收支放凡官買物價文到  
不許遲至十日半月之外而折給內監者俱按  
四季查發無愆會期以壞良法等因題奉

聖旨商困委宜變通但僉派原屬舊制賠累繇於勒  
尅若官買折給侵沒辦納不前供用定致匱乏還

遵舊制從公衆商嚴禁賣富僉貧宿弊其年例  
辦銀兩嚴催外解另貯發銀定期於午門外度  
科道公同兌放官吏衙役指勒侵尅那移短少  
弊商人面訴各官奏處巡視監督加罪其各衙  
收納錢糧真正如期外敢有勒索刁難一體嚴  
朕屢諭蘇商惠民正須剔蠹釐奸講求長策何乃  
止以折給卸諉你部還遵旨另議巡青草場查  
足支二年暫停半年以便積銀現給太倉庫內  
銀止五六萬亦不難預儲待給併其餘未盡事

及後增浮價當裁俱從長議妥具奏候此遵  
公仍舊僉商按季於

午門外給發價值併其餘事宜另議具覆奉

旨遵行存案今都民翟守謙等奏陳前因已經咨

相應議覆案呈到部該臣等會同戶科等科

給事中玄默等議照僉商之制其來舊矣始末

嘗不公私稱便而後乃紛擾也琴瑟不調甚者

必舉而更張之則惟有官買之一法而已崇禎

二年臣部題覆京民劉光祖等疏不當詳裁

言之維時

聖慮淵深尚慮辦納不前供用匱乏未遽

允行然已令臣部嚴催外解應領價值按季於

午門外唱名給發則既免借墊壓欠之苦又無

尅那移之弊商困亦稍紓矣近查京五等場商

價俱已給發全完惟

御馬三倉錢糧繁重所給尚歉於數然較之往年

積逋亦已大不相侔惟是今歲復值僉報之期

舊商思脫湯火不得不買名供報市猾乘機為



姦利警捏詭陷間左騷然此居民罹害誠堪憐  
以復有是請也幸蒙

皇上軫念民瘼沛發德音一則曰部科悉心商酌  
議妥確再則曰務期公私兩便經久可行臣等  
仰奉

明綸夙夜籌畫欲蘇商困宜無過於官買而其法  
惟照崇禎二年題覆欵項就中稍損益之蓋  
謂官買者豈真令監督置身日中之市肆而  
駟贖伍哉猶是經紀牙行也猶是芻豆物產

授之以糴則經紀樂爲用官給現銀而不搥糴  
值則貿利之民擊軫而至矣合如前議以錢糧  
多寡定經紀名數歲給工食人十二兩卽於本  
項錢糧處給如遇秋收之時巡青及太倉科道  
先期估定物價務與時值相當稍從優厚具疏  
奏明監督領出銀兩協同內監並責經管官攢督  
令牙行收買立給價值務期秋初肇端冬中竣  
事不得延至歲終其有富商大賈情願輸納入  
倉者總給價值聽從民便不妨以召商之法行

官買之事惟是鑄管必禁預支必絕無得價發  
非時辦納不前若用官價強買商民裹足致誤  
供應及被人誑騙侵欺錢糧者責在監督等官  
此官責之大凡也舊時商價錢糧額用太倉及  
京糧銀運來太倉轉輸而爲價尚少且香  
料收買原不拘時無難措發惟出自京糧者爲  
數頗多且料草收買全在秋成之候時難延緩  
合無將每季解到銀兩積貯在庫秋成照數給  
發與內外各衙門趁時承辦或有不敷不拘辦

舊二餉設處廣足以俟京糧到日補還其各處  
大使副使胥他方窮旅待次日久貧窶異常又  
多闌葺衰劣不堪任使合咨吏部擇壯年強幹  
身家殷實者充其選或先候缺以待實授如價  
值有節縮辦納不失時收受無耗弊一年滿日  
監督司官紀錄大使副使優陞攢典減年優選  
用示鼓舞但須實効勤勞臣部方爲移咨不得  
借口以開倖竇也至

御馬三倉原設監督一員每草一束除正價三分

五釐外有腳價二分七釐中天二場各正價  
分四釐腳價二分一釐四毫料豆每石除正價  
外仍有加斛二斗又腳價銀一錢七分雖據該  
場稱爲修理倉場細草堆垛及各官工食養贍  
之資當此公私交困之時若以此項減省一半  
亦足以補召買之不逮又三倉錢糧頗多異賧  
輸自商役監督拱手受成今官自爲市矣二百  
二十餘萬草束七萬料豆夫豈一手一足之力  
合無再增監督二員共計三員以其一管

御馬倉其二分管中天二場查二十四馬房原委  
監督三員今錢糧既議折給自可就中改委二  
員政不必於局外求官也其經手官攢

御馬三倉有大使一員副使一員攢典二名今當  
盡撥以供

御馬倉之用而中天二場另選大使副使各二員  
攢典二名然後使令給而供應易也京五等場  
係軍馬急需今歲議買軍援草束數既殷繁急  
難置辦如止年例一項每場買草一十二萬五

場共買草六十餘萬卽令監督率同官攢隨時  
買辦亦不爲難象房草場係象隻日支錢糧時  
不容緩亦當責監督率官攢趁時承辦其酒醋  
麪局麥豆草束內黃豆已有折價之例其餘亦  
可併折司苑局豆草旣已折給一半而商辦之  
一半亦何難併折也卽該局內臣似已無難色  
入寶鈔司稻草原有題定之價外供用庫黃豆  
原充供事官員食用廩糈黑豆草束係喂養牛  
驟驢馬拽碾造香等用似俱可折給無妨者

二十四馬房設立城外雖有監督而內監爲政則應給內監自買仍聽

御馬監提督稽核司牲司豆草原爲喂養羊隻之用該司自有內監似應併折自買蓋折給乃假官買以便宜其實亦卽官買法也犧牲所有太常寺職官查驗有該所千戶及官軍經營是宜責令監督會同太常寺官督令千戶收買驗明給放

內供用庫黃白等蠟檀降等香向係商役買辦內



監自收而司官不與焉今僉商旣免則收買似  
當專責內監但此項錢糧重大內監不欲獨任  
而沉速二香產自異域採買尤難合令九門鹽  
法主事兼管監督會同該庫督率香行經紀等  
役收買近來香價頗騰不妨少昂其值收納頗  
峻不妨少寬其格而崇文門宣課司遇有香料  
入京不拘多寡先儘

上供而後許入市肆亦一法也官買者官買折給者  
折給則商可無僉矣乃已報之商不可不暫擬

也今經畫甫定錢糧未足如各商一旦輟役供  
應必至中斷且承辦已定殘局宜結臣等議以  
去年之商仍完去年之事一切官買俱以崇禎  
五年秋月爲始各場草料並係急需料仍按月  
輪納但春月草價騰踊各商極口稱難合令監  
督於查比輪納中擇欠數太多者量寬一半於  
秋成可也又臣部方措處錢糧以備官買則向  
來所欠舊價尚需酌量饒乏陸續給發恐不得

復拘季終

午門唱給之例矣夫僉商則官逸而商累官買則  
商甦而官疲此不待智者而辦也然收買之得  
法不易錢糧之湊手亦難臣等於此不知費幾  
許踟躕無奈奴警之後物力告訕民困已極不  
得不通變而出乎此卽監督內監或亦諒臣等  
之苦心所宜黽勉從事者也此外尚有大通橋  
車戶一節與僉商事頗類故民疏亦及之然以  
二百餘萬之京儲責之一百六十餘名之車夫  
自非土著殷實分號轉輸必不免於逌誤而監

督又非有木牛流馬之巧可以代車戶馳擔則  
此事雖稱苦累更張果無他術惟在腳價先後  
之間曲加軫卹并將昔年量增一釐之數歲以  
爲嘗以卹其難亦甦息畿民之一事也至翟守  
謙等所奏以五城間架之錢抵官買賠折之費  
此卽古人免役顧役之法亦非厲民但臣部行  
五城查核無論優免見徵共止房屋二十萬間  
而見徵者居其強半卽以通徵一錢計每歲得  
二萬金止耳卽謂開報未盡用加一倍法亦得

四萬金止耳以三四萬金而分之戶兵工部及  
光祿寺所得幾何且原有房號者民已稱苦若  
再徵之是重累也矧僉商之株連有限門稅之  
波累無涯本欲安集殷富而反以煩苦單赤

國家縱云乏財何至沿門驟金以充置辦非試之  
善也不若併此弛之與民相忘若能及時收買  
加以樽節自可足用卽有增價取給公帑無庸  
紛紛比屋箕斂使小民謂祛一害復生一害也  
臣等仰承

德意俯順民情中叅衆議實見其當行當止者如此  
要使民無失業

國有常供祿弊莫若盡立法期可以而已矣所有  
各倉場監局曲折事宜開列疏後統候

聖裁定奪其餘有未盡者容臣等再加詳酌陸續奏  
奪既經各衙門酌議前來相應覆

請伏乞

勅下容臣等移文內外衙門遵奉施行

計開

一

御馬三倉據

御馬三倉場太監楊輔臣等各回稱翟年謙等之舉實因物價騰貴商苦難肩並不極力更張誰解倒懸之苦但三場自來無官買折給之例今謂加出房丁令官員折給其折給勢不可行惟官買似屬可議蓋本場職司收放其徵納比辦之事原在貴部可否還俟該部裁決本場斷不

敢肩任也等因看得

御馬三倉場料草原供

御驥之用每場每歲各預辦草七十四萬六千六百六十六束十斤遇閏加四萬束

御馬倉歲辦料豆六萬九千石遇閏加四千石約用銀二十萬七千七百七十餘兩三場原有監督一員管理如向用僉商止於催比則一員可以兼理今議免商而用官買合將原設監督官



御馬倉場再行添設二員分管中天二場督率經紀牙行人等廣召客販庶重大錢糧方能承辦查二十四馬房原有劄委監幫三員今馬房錢糧旣議折給則各官無所事事應改委二員題奉

欽依專管中天二場車束其經手官攢

御馬三倉原設大使一員副使一員

御馬倉攢典二名中天二場各攢典一名今應咨吏部將原有大使副使并攢典二名在

御馬倉承管錢糧再選青年堪任大使副使各  
員撥攢典各一名承管中天二場錢糧  
其

御馬倉用經紀四名買草四名買料中天二場各  
用經紀四名買草於秋歲初巡視各科  
道估定時值具奏各監督陸續呈請本  
部查照給發委各監督并各內監收領  
責成經紀官牙設法召納草料明白監  
督與各內監親筆填註收買數目卽時

給發價值不許少延其苑豆舊例多  
某豆代之亦仍其舊監督每十日一  
本部仍會同科道備細查驗中間如  
侵牟染指遲悞等弊併經紀強買客  
料草致起怨謫科道不時稽查據實  
請從重治罪

一京五草場據監督草場主事江之遠  
淪初開稱京五場原備軍馬急需何  
輕議折給獨是官買一節大有可商

見在間一人子弟親戚便有五六人合  
衆商言之則更夥矣相與操奇贏徵貧  
賤公頭奔走猶不能完今若合百餘萬  
之

國儲專責於監督是衆商協辦而不足者恐一人  
任之而不能如責之各場官攢經紀之  
手則貧窶力薄可虞如委之經歷武弁  
則侵欺遲悞可虞如召買預領官銀則  
神棍騙逃可虞等因看得京五場草束

原備緩急客兵支用又例給放三大箱  
官軍二十兩月馬匹之需每年每場各  
額貯年例草三十萬束每年照放過數  
目題買補足其額每年約買草六十餘  
萬束今崇禎四年因各場原貯軍興援  
兵草束崇禎二年支用殆盡又題買草  
六十五萬餘束每年約用銀四萬七千  
一百餘兩五場原設有監督官二員一  
管明臺北三場一管安西二場各場原

有大使一員攢典一名監督收覈官  
守支今議免商而用官買合將原設  
督照舊管理其大使攢典今應咨吏部  
再選青年堪任大使各場一員攢典各  
場一名協同督率經紀牙行人役廣召  
客販方能承辦又五場各用經紀四名  
買辦草束於秋成初巡青科道估定時  
值聽該監督陸續呈請本部查照給發  
委該監督收領督率官攢責成經紀官

牙設法召納草束監督親筆填註收買  
數目卽時給發價值不許少延監督每  
十日一報本部仍會同科道備細查驗  
中間如有侵牟染指遲悞等弊併經紀  
強買客販草束者聽巡青科道不時稽  
查據實奏

請從重治罪

一象房草場據監督主事王淪初開稱內  
外象房麥草皆係日支錢糧時不可缺

折給固不可議而官買又在可商該場  
雖設大使攢典二員官牙二三人然皆  
窮迫無依難以盡托卽監督時時而察  
事事而防斷有耳目不能周者今若以  
數十萬之

國儲專責於官攢經紀官牙之手脫或竭蹶不前  
所關非小等因看得象房草場麥草計  
象隻多寡買辦每年約買大麥三千二  
百五十餘石草一十一萬七千六百餘



東每年約用京糧銀七千五百餘兩  
場原設有監督官一員大使一員  
一員監督收數官攢守支今議免商  
用官買合將原設監督照舊管理其  
使攢典今應咨吏部再選青年堪任  
使一員攢典一名協同督率經紀牙  
人役廣召客販方能承辦又該場合  
經紀四名買辦麥草於秋成初巡青  
道估定時值聽該監督陸續呈請本

查照給發委該監督收領督率官攢  
成經紀官牙設法召納麥草監督親筆  
填註收買數目卽時給發價值不許少  
延監督每十日一報本部仍會同科道  
備細查驗中間如有侵牟染指遲悞等  
弊并經紀強買客販草料者聽巡青科  
道不時稽查據實奏

請從重治罪

一 犧牲所每歲派辦料草多寡不定分作

上下半年二次買辦每歲約買菽豆八  
百七十餘石黑豆三百餘石豆豉一萬  
三千餘觔草五萬餘包原爲太常寺祭  
祀牛羊兔隻喂養之用約用京糧銀三  
千二百餘兩本所係錢房監督經管本  
所又有千戶等官太常寺官軍三百餘名  
又屬太常寺官糧倉今議免商而用官  
買合將所買料豆草束照巡青估定價  
值聽該監督陸續呈請本部查照給發

委監督收領責令千戶等官設法買辦  
會同太常寺官交納明白該監督親筆  
填註收買數目卽時給發價值不得少  
延監督每十日一報本部中間如有侵  
牟染指遲悞等弊并強買致生事端者  
聽巡青科道不時稽查據實具奏從重  
治罪

一司牲司每歲派辦料草多寡不定分上  
下半年二次買辦每歲約買黑豆八百

餘石草六千六百餘束爲光祿寺喂  
養羊隻之用約用京糧銀六百四十餘  
兩該司原係明智監督管理而該司亦  
有內監今議免僉商役令將所買料草  
照巡青科道估定價值該監督呈請本  
部查照折給該司內監關領自行買辦  
應用該監督稽查出入每十日一報本  
部中間如有遲悞侵染虛冒等弊者聽  
巡青科道及尚膳監掌印衙門核實具

奏從重究治

一大壩九倉黃土四倉南石渠七倉每歲  
派辦料草多寡不定分上下半年二次  
買辦每歲約買黑豆共一萬四千一百  
五十餘石草共三十四萬六千餘束原  
係喂養領出

御馬監簡剩不堪馬匹并駝騾羊等畜之需約用  
京糧銀一萬六千七百六十餘兩今議  
免食商役合將所買料草照巡青科道

估定價值該監督呈請本部查照折給  
發各倉內監關領自行買辦應用所有  
各倉原設監督司官三員今議改二員  
委管中天二場事務存留一員着令照  
舊管理大壩黃土南石渠等各馬房倉  
稽核出入錢糧之數監督每十日一報  
本部中間如有侵染遲悞虛冒等弊聽  
巡青科道及大壩提督衙門核實具奏  
從重究處

一裏牛房外牛房吳家駝牛房每歲料草  
派辦多寡不一分上下半年二次買辦  
每年約買料豆共二千六百餘石草共  
五萬八千餘束係日供喂養

御膳乳牛之需約用京糧銀三千五百七十餘兩  
各房倉原係黃土監督管理今議免令  
商役合將所買料草照巡青科道估定  
價值該監督呈請本部查照折給各房  
倉內監關領自行買辦應用監督稽查



出入每十日一報本部中間如有侵盜  
遲悞虛冒等弊聽巡青科道及大壩提  
督衙門核實具奏從重究治

一供用庫據本庫太監曹化淳回稱京民  
之困莫苦於商解民之困莫商爲急矧  
先今屢厯

聖懷當事自宜從長酌議惟是官買在該司選委鈎  
當員役責成交納自無一番株連浮費  
之苦若折給在本庫職司成造日每供

應無論胼胝拮据猶虞稽悞勢難自便  
且供用衙門復自買辦瓜李易嫌豈能  
經久又理難自買然京民不可不急懸  
德意不敢不推廣或官買或別有通變長策又在部  
科從長酌議務期官民兩便經久可行  
若折給之說法難允行等因看得供用  
庫香蠟燈草原係

上供急需每歲除各省解到黃白蠟三十餘萬觔外  
仍派商買

正旦元宵節一單大料降真香二萬觔沈香二萬  
觔沉速香二千觔三色檀香六千觔牙  
香二千觔燈草一千觔黃蠟三萬觔白  
蠟二萬觔中秋節一單大料降真香八  
千觔沉香一千三百觔沉速香八百觔  
三色檀香二千四百觔牙香一千觔燈  
草七百觔共領價銀三萬二千七百餘  
兩俱給自太倉項下係廣西司經管查  
香蠟燈草客販頗多易於買辦惟沉速

二香產自海外購之稍難而上納時該  
庫極其精選每十不得一故各商常稱  
苦累此項原係內監自收本無監督似  
折給爲便但

上供錢糧所係重大內監獨任亦難合令九門鹽法  
主事兼管監督卽將一年額定香料仍  
作二單着熟識看香人役一名同香行  
經紀照數採買該庫會收要於堪用而  
止不必苛求如遇外省運販香到之時

卽令崇文門宣課司預行呈報併知倉  
該庫卽爲擇選評價收買進庫其餘方  
許發賣或果時價不足亦宜量行增加  
庶客販無虧折之苦該庫得及時之用  
如有經紀人等強買客香扣剋價值聽  
巡視科道不時稽查據實奏

請從重究罪

一酒醋麪局據該局太監馬雲程回稱本  
局麥豆草束錢糧舊例戶部每年分作

二單責令中天兩場商人代辦其行久  
矣今查本局錢糧自崇禎三四兩年分  
黃荳每歲折銀本局自辦不欠外其麥  
荳草束各商拖欠甚多追比不前是有  
商而與無商同也今據畿民翟守謙等

陳

請苦情奉

旨軫念民艱本局敢不仰體第折給官買之間是在  
戶部酌量區畫如法本局無不樂從等

因看得酒醋麪局麥荳草束向係中天  
二場商人代辦每歲派買小麥四千八  
百六十七石菽荳三百五十石黑荳一  
千八百石草四萬四千束分春秋二單  
派買又黃荳四千六百石向係折價五  
項共用價銀一萬二千八百餘兩俱給  
太倉項下係廣西司經管今議免僉商  
役合將派買麥荳草束巡視科道估定  
價值本部查照黃荳折給之例併折發

該局陸續請給自行設法買用買完之日出給實收繳部稽查不許遲悞承辦及從中虛冒違者聽巡視科道及該局掌印衙門不時奏

請從重究治

一外供用庫據該庫移稱浮費一節在衙役剝民原自不貲本庫業已痛革之惟是官買在該部選委的當員役責成交納若折給則本庫職司成造日每供應



猶虞稽悞勢難自買且供用衙門復自  
買辦瓜李易嫌惟部科從長酌議等因  
看得外供用庫每年額辦黃豆一百五  
十四石九斗三升菽荳一千六百三十  
一斗黑荳一千九百三十九石一斗穀  
草五萬七千九百七十束約用太倉銀  
庫銀五千九百餘兩向係

御馬倉商人代爲承辦

充供事官員食用廩糈

及喂養牛馬

作拽碾造香等用係山

東司經營今既議免僉商役合將前銀  
照巡視估定價值折給該庫內監自行  
買用似爲省便

一司苑局據該局內監張宗德回稱本局  
除折辦外每季僉辦黑荳四百七十五  
石穀草一萬二千五百束今免僉商從  
公給價本局責令該官員役自行買辦  
荳草完官通融兩便等因看得司苑局  
每年額設黑荳一千九百五十石穀草

六萬五千束下半年兩次責商辦納  
至崇禎二年八月內該局題奉

明旨將一半黑荳一千石穀草四萬束該局自行折  
辦頭畜外其一半黑荳九百五十石穀  
草二萬五千束仍行

辦納欽遵在

卷俱動支太倉庫銀河南司經管今議  
凡商查該局向無監督合無將荳草價  
值照巡視會估本部折給該局自行買  
用如有承辦人役從中虛冒者許科道

衙門不時查叅

一寶鈔司每歲買京中西山所出稻草二  
十二萬五千觔額用太倉價銀五百二  
十五兩爲

中所用草紙而設係貴州司經營今議免僉商役  
將銀折給該司內監自行置買稻草造  
紙應用仍聽該管衙門不時稽查

一大通橋車戶據該橋主事陳文耀回稱  
本橋額設軍糧車戶一百三十二名白

糧車戶三十九名俱係土著殷實僉充  
承役雇備車驢輸運各倉但每當更換  
之際富民狡脫中貧頂補不減於僉商  
之弊且向來起運零星車戶猶可勉支  
比歲奉

旨日行三萬雇覓之價倍疑往時故疲困傾家逃亡  
株累又勝於僉商之苦矣但京儲二百  
餘萬祇賴有身家車戶分號轉輸原與  
官買折給事例大不相侔更張無術查

先年腳價多有預發雇覓車驢以備輓  
運今欲甦之總在腳價先後低昂間稍  
加軫卹便有起色等因該臣等看得漕  
糧入京必繇通橋轉運舊例僉派殷實  
車戶分號飛輓務最重而役亦苦每遇  
僉報人多畏避亦若僉商者然但車戶  
之役與商人官買折給者不同所當仍  
舊貫者惟是二百餘萬儲糴皆賴若輩  
輸轉且又奉有日行三萬之

明旨車畜騰貴脚價倍屨及查舊例脚價進東倉每石二分一釐進西倉每石二分七釐天啓六七年間工作繁興每石議增一釐續經臣部議停至崇禎三四兩年因旱潦不齊題

請准給奉有因時酌給之

旨今都民咸稱苦累合無以後將應得脚價按時給發無致逋欠仍將新增一釐著爲定例亦甦困之一端也

崇禎五年二月二十六日具

題三月初一日奉

聖旨商困宜恤折給亦屬非體除各商暫留應役辦  
納新舊欠數外自五年秋月爲始着通行官買其  
增設員役並工食等事宜依議買辦銀兩須預貯  
按發責令及時收納平價宜民如有侵染強買稽  
悞等情該部及巡視科道卽將經管官指叅重處  
車戶量增脚價并隨時查給准着爲例至賣富差  
貧總繇婪猾官胥通同貓鼠尤宜嚴禁痛革訪出



定行加等治罪門稅不必行欽此